

ILALIUTIHIMAYUQ A

Havanguyuk Taiguhia:

Polar Knowledge Kanata (POLAR-kut) hiniktaqvaa talvani Ikaluktutiak Tahiq, Ikaluktutiakmi

Tukhigaqtut:

Donald McLennan, Ataniq Havanguyut Havakti, Munagini Naunaiyautit, Polar Knowledge Kanata
170 Laurier Avenue West, 2nd floor, suite 200, Ottawa, ON K1P 5V5
Qagitauyakkut: donald.mclennan@polar.gc.ca
Hivayauta: 613-295-6135

Johann Wagner, Naunaiyautit Qauyihaiyi, Polar Knowledge Kanata
CHARS Campus, 1 Uvajuq Road, PO Box 2150, Cambridge Bay, NU X0B 0C0
Qagitauyakkut: johann.wagner@polar.gc.ca
Hivayauta: 613-295-8424

Grant Redvers, Pitquhiliqutit Aulatauninut Maniyauyuq, Polar Knowledge Kanata
CHARS Campus, 1 Uvajuq Road, PO Box 2150, Cambridge Bay, NU X0B 0C0
Qagitauyakkut: grant.redvers@polar.gc.ca
Hivayauta: 867-983-5467

1. Havanguyuk Huliniit:

Polar Knowledge Kanata (POLAR-kut) tapkuatlu Kanatamiut Quttiktuq Ukiurtaqtuani Naunaiyaivik (CHARS-kut) havaginiaqtai allatqit maniqami naunaiyainiqmun huliniit auyani ukiakhalihaqtitlugulu 2018-mi, qaphiuyutlu pulaqtut naunaiyainiqmun naunaiyaiyt, tapkuatlu iniqtigiyut ilihagtut, tapkuatlu ukiurtaqtumi puqtunighat ilihagvi hilattughaivitlu ilihagtut qainiat Ikaluktutiakmun havagiqninik uuminga naunaiyainiq. Amihut tahapkuat naunaiyainiqmun huliniit, amihunighatlu naunaiyainiqmun havagutit upalungaiqtauyut atuqtaunikhai 2016-mi, tahamanitniat ungalaata hinaani Ikaluktutiak Tahiq piyaqagutauyut naunaiyaiyinit iniqagiakhai haniani tahapkuat naunaiyaivit munaqhiivitlu inigiyai. Piqaqtittanga una maniqami hiniktaqvikhag, tapkuat POLAR Naunaiyaiyt Pitquhiliqutitlu Havaqatigit ilihiyumayut maniqami hiniktaqvikmik haniani Ikaluktutiak, tahamani ungallaata hinaani Ikaluktutiak Tahiq (69° 13.145' N, 104° 51.911' W; takulugulu attataqhimayuk nunauya). Allatqit naunaiyautit havanguyut atuqtauniat, ilautitlugit havat maniqami uumatyutauyut unniqtutai nunauyaliuqniqlu, huaguhivaluit munagiyauni, imatqiktumi-imait tahiq naunaiyaqni, mikiyut mitqulgit nanigiartuqni, iluqaqnilu naunaiyautit hanalgutit tahapkuatut hilaligivit, qiqumaniqnut katitigivinnuit uunaqnianutlu allatqit, kuugaqmi naunaiyaivit, kangiqhimaniqui naunaiyaivit napayut. Naunaiyaiyt qainiat aulaqlutiklu auyani; avatqulaitai 10 inuit hiniktaqvikmi atauttikkuq quyagitnaq. Aturpak-niqhaq inuqaqpaknikha 4–5 inungnik.

2. Atugakhaliat Huliniit:

Mai 15, 2018	Hiniktaqvik nappaqtugauniaq
Juni 4 – Saptai 30	Naunaiyainiq havaktauniaq naunaiyaiyinit hiniktaqvikmittunit
Saptai 30, 2018	Hiniktaqvik ituptigauniaq uumani ubluani

3. Hivulliqnut Upalungaiyaut:

Tamna uuktugutauyuk hiniktaqvik talvanittuq 69° 13.145' N, 104° 51.911' W, tahamani Ikaluktutiap aulativ-iata nunani, mikhaani 14 kilaamitat Ungallaata Akitnaani talvanga hamlanganit Ikaluktutiak, tahamani ungallaani hinaani Ikaluktutiak Tahiq, 5 kilaamitat ninginganit Inuuhuktuq tamnal 5 kilaamitat Ungallaata Pingangnaani Uvayuq. Naunaiyaiyt hiniktaqvikmittut havakniat talvani Ikaluktutiak Tahiq imaqaqniani (takulugu attataqhimayuk nunauya uuktugutauyup nunani). Tamna hiniktaumavik tikitaulaq qayakkut Ikaluktutiak Tahiqmi, Hannatakkutluniit talvuna 3 kilaamita ingilgaplugu maniqakkut talvanga ihuanit Uvayup apqutata. Maniqami inai avataani taphuma hiniktaqviiup tikitaulat pihukhuni, tapkuatli ahinitniqhat Ikaluktutiak Tahiqmi Imaqaqniuyumi tikitaulat qayalikkut tingmitikkut, Hannatkkut qayakkutlu.

4. Titiaq Nappaqhimayunut:

- Ukiurtaqtuq Naunaiyainiq Tunngavia Nuktilaq Tagiumi-Inituqlituqat-Uyagaliqutit Havagutai nuktilat naunaiyaivik (6 miitat x 2.5 miitat x 2.5 mittat) piqaghuni malguknik imulak ikpatik, uaqvik, tapkuatlu ikumatyutai tapkungnanga malguk anuqimun kaivittuk tapkuatlu 15 hiqiniqmun qulliliquhiugutit
- 1 Intershelter 14 ft Polar Dome tupiq, igavik nigiviklu
- 2 haviknik napagialgit tupiit (3 miitat x 4 miitat)—1 naunaiyaivikhaq, 1 hanalgutit tutqumavikha.
- 6-10 ilikkuqtut ukiuq tamaqhiutit tupiit hinikvikhat
- 1 anagiartuqvik tupiq

5. Hanalgutit Atuqtauyut

- Hantait
- 16 ' qayaq ingniligalik
- Puplakturtuq Ikipatmiutaq Ingniqvik
- Puplakturtuq Niglaumavik
- Puplakturtuq Quaqhivik
- Puplakturtuq uunaqutit (uunaqutikhat nalagialiknut tupiit)
- Uqhuqyuaq uunaqutit (uunaqutikhat nalagialiknut tupiit)
- Hiqiniq qulliliqutit (huangakhautikhat alguyartuqtunut hanalgutit)
- Anuri qulliliqutit (huangakhautikhat alguyartuqtunut hanalgutit)
- Qulliliqutit (huangakhautikhat alguyartuqtunut hanalgutit)
- Mikiyut qagitaayat
- Nuktilat qangattaqhimayunutlu hivayautit (amiquaipkutikhat tuhaumatyutitlu)
- Qaphit takukhauyunut uqautinnuit
- Tigumiagat GPS hivuniqhiutit

6. Uqhukhat atuqtakhat:

- 4 x 20 pautit puplakhat qattaqyuat (ingniqviknut uunaqutinutlu; himmautikhat puplait qattaqyuat piyauniat Ikaluktutiakmin atuqniani ukiup ilaani)
- 2x 100 pautit puplakhat qattaqyuat (quaqhivikmun niglamavikmutlu)
- Kaasiliq qulliliqutinut, qainap ingniligait Hantaitlu.
- Uqhuqyuaq uunaqutit

7. Takulugit attataqhimayut kuviyunut atugahuquqnit upalungaiyautit

8. Uuktugutauyut iqaqtauninut pityuhit iqakut, anait, halumaittut imait:

- Tamaita iqakut tutqumaniat matulikni qattaqyuat ahivaqtaulutiklu hiniktaqvikmin talvunga Hamlatkut nunami iqakuqvianut.
- Anait katitauniat qipliqtuni puuqni, tapkuat tutqugauniat qattaqyuani, iqagaulutiklu talvani Hamlatkut nunami iqakuqvianut.
- Imirtaqniat tahiqlin kuugaqmitlu uagutikhanut iqmigutikhanutlu, imigauyutlu imait agyaqtauniat talvunga Hamlatkutnit akhaluutikkut puqhimayunut.
- Halumaittuq imaqlutunilq iniaqniq qanitniqhami 100 miitat imaqaqniuyunit, hauyaulutiklu nunguani ukiup ilagiyani.

9. Pityuhit nuktiqtauninut:

- Nuktigaqni naunaiyaiyit Ikaluktutiakmin milvianit hiniktaqvikmun akhaluutikkut, talvangalu qayak-kut Hantakkutluniit
- Nuktiqni qayalikkut tingmitikkut, Hantakkut, qayakkut ingniligalikmun pihuklutiklu naunaiyaiyit hiniktaqvikmin naunaiyaivikmun tahamani Ikaluktuiaq Tahiqlin imaqaqniuyumi

10. Nunalikni Avatiliqutit Ilagiyai:

Tamna uuktugutauyuq hiniktaqvik inilik tahamani ungalaani hinaani Ikaluktutiak Tahiq, ilaa 5 kilaamitat nigiani Inuuhuktuq tamnalu 5 kilaamitat ungallaata pingangnaani Uvayuq, nunalit avikhimani miha-luqaqpiaqtumi. Tamna nauhimani talvani hiniktaqvikmi piqarniqhaq mihaluknik paniumayumiklu na-tiqnamik, piqaqnihaupluni pinguaqyuknik, nautianik aupaqvayuktutlu nautiat. Unaghitqiyani taphuma un-galaani hiniktaqviup tamna nauhimani mihaluit, piqarniqhaq imaqmi piqunganit, uqyuit, uqpigaqniklu (<40 cm puqtunit). Tamna tahiup hinaa nigiani taphuma hiniktaqviup piqaqtuq puqtutqinik nauhimayunik piqaqhutik imaqmi-nauhimayut uqyuitlu. Ikaluktutiak Tahiq tahapkuatlu atatyutiyut tahiit kuukap qulaani nunaliknut atuqpiagtut ukiurtaqtumi iqalukpiknut tahiqlu ihugaqyuit. Ikaluktutiak Tahiq tikittaqnihauniaq aulagianga qayakkut Ikaluktutiakmin, tamnattaup apqut Ikaluktutiakmin Uvayumun aipaginaqta tikittaqni-anut aulagiat akhaluutikkut talvangu Hantakkut talvuna 3 kilaamitat atugakhaq natiqnami. Tamna nuna hiniktaumavik tikitaulluayuittuq nunaliyunit Ikaluktutiakmi, piplugit ikalukhiuqviuniqhat inai tapkuatlu ikalu-khiuqtut igluqpannuangi tahamanittut nigiani akinnaanilu hinaani Ikaluktutiak Tahiq.

11. Mainaqhimayut atulat avatiliqutit, angutikhat piqaqnitlu aktuanit ihuaqhigiagutailu:

Tamna hiniktaqvik mikiniqhamik aktuaniaqtat avatigiyauyuq. Tikittaqnia tamna hiniktaqvik piyauniqhauniaq imakkut, qakutikkutlu apqutikkut talvangu natiqnakkut, Hantakkut. Tamna tupiqnik hin-iktaqvik piniaq mikiniqhamik ulapihainiq aktuqni natiqnami uumatyutauyut. Tamna hivugatyutauniqhaq tahamunga avatigiyauyumun tamna uqhukhat kuvinit uqhiqtuitlulugit qulliliqutimik, tamna qayaq ingniqvi-klunuit. Piqaqtugut kuviyunut atugahuquqtunut upalungaiyaut aoquhaqniqat uqhukhanik kuviyuqarniqat.

12. Halumaqtigutainut akitunit:

Atuqniqangittuq havagiyaptingnut

13. Uuktugutauyuq halumaqtigutainut upalungaiyaut:

Atuqniqangittuq havagiyaptingnut, piplugit kihimiuyuq uqittut hiniktaumaviulaknit pinguaqtauniat (ilihimain-naqtukhaittuq hiniktaqvikmik).

14. Qaphiuni Inuit havaktitauyukhat:

Havaktit 2–4 Inuit havaktitauniat ihuaqhaiyukhanik napagialgit tupiit ahiilu hiniktaqvikmi ilagiyait. Atauhiq (malguklunuit nikittaqtut) Inuit havaktitauniat hiniktaqvikmi kukialukhat atuqtitlugu tamna hiniktaqvik. Havaktitniaqmiavuttauq ilihautilugitlu 4–6 auyami ilihagtut, Inuit inulgammiit talvanga Nunavut Ukiurtaq-tumi Hilattuqhaivik atuqniani tamna hiniktaqvik, maniqami ikayuqtiuninik. Ikayuqhiutiniaqtugut tapkununga nunalikni maniliugutaayunut niqinut, uqhukhat ingilgutitlu niuviqtavut talvanga niqinut niuvavikmin hanalgutitlu niuviqvianit Ikaluktutiakmi. Upalungaiqmiavutluttauq atuqnit nunalikni hivuliqtukhat ikayuqniq ilia piqatauyut naunaiyainiqmun—hivuliqtut ihuaqhiyauniat atquhugit tapkuat Ikaluktutiakmi Angutikhaligiyitkut